

উপজেলা পরিষদের মাসিক সভার কার্যবিবরণী (মাস: সেপ্টেম্বর/২০২৩)

অধিবেশন:-১৩২

উপদেষ্টা : জনাব আনোয়ারুল আবেদীন খান (তুহিন), মাননীয় জাতীয় সংসদ সদস্য

১৫৪-ময়মনসিংহ-৯, নান্দাইল, ময়মনসিংহ।

সভাপতি : জনাব হাসান মাহমুদ জুয়েল, চেয়ারম্যান, উপজেলা পরিষদ, নান্দাইল।

স্থান : উপজেলা পরিষদ সভা কক্ষ।

তারিখ : ২৫ সেপ্টেম্বর ২০২৩।

সময় : বেলা-১১.০০ ঘটিকা।

সভায় উপস্থিত সম্মানিত সদস্যগণের হাজিরা পরিশিষ্ট 'ক' তে সংযুক্ত।

সভার প্রারম্ভে সভাপতির অনুরোধক্রমে পবিত্র কোরআন থেকে তেলাওয়াত করেন উপজেলা পরিষদ জামে মসজিদের সহকারী ইমাম জনাব আবু বকর সিদ্দিক। অতঃপর চেয়ারম্যান, উপজেলা পরিষদ নান্দাইল এর অনুমতিক্রমে উপজেলা নির্বাহী অফিসার নান্দাইল কর্তৃক আলোচ্যসূচি অনুযায়ী সভার কাজ নিম্নবর্ণিতভাবে আরম্ভ করেন :

আলোচনা	সিদ্ধান্ত	বাস্তবায়নে
০১। উপজেলা নির্বাহী অফিসার বিগত সভার কার্যবিবরণী পাঠ করেন।	বিগত সভার কার্যবিবরণীতে কোন সংযোজন ও বিয়োজন না থাকায় এবং কোন সংশোধনী প্রস্তাব উত্থাপিত না হওয়ায় তা সর্বসম্মতিক্রমে গৃহীত ও অনুমোদিত হয়।	সংশ্লিষ্ট সদস্যগণ।
০২। মাননীয় জাতীয় সংসদ সদস্য মহোদয় জানান, যে সকল জেলেরদের জেলে কার্ড হয়েছে তাদেরকে সরকারি বিভিন্ন কর্মসূচিতে (টিসিবিএস) অগ্রাধিকার দেয়ার পরামর্শ প্রদান করেন। মহেশকুরা আবাসনের দুটি পুকুরে সারা বছর পানি পাওয়া যায়না। এতে করে আবাসনে বসবাস করা মানুষদের পানি প্রাপ্তির জন্য সমস্যা পড়তে হয়। আবাসনের দুইটি পুকুরের পাশে একটি গভীর নলকূপ প্রয়োজন। এ সমস্যা নিরসনের জন্য বিএডিসি চেয়ারম্যান মহোদয়ের সাথে আলোচনা পূর্বক একটি গভীর নলকূপ অনুমোদনের ব্যবস্থা গ্রহণ করবেন মর্মে সভায় অবহিত করেন। সে জন্য উপসহকারী প্রকৌশলী বিএডিসিকে উক্ত সাইট পরিদর্শন করে প্রয়োজনীয় ব্যবস্থা গ্রহণের পরামর্শ প্রদান করেন।	যে সকল জেলেরদের জেলে কার্ড হয়েছে তাদেরকে সরকারি বিভিন্ন কর্মসূচিতে (টিসিবিএস) অগ্রাধিকার দেয়ার প্রয়োজনীয় ব্যবস্থা গ্রহণের সিদ্ধান্ত গৃহীত হয়। মহেশকুরা আবাসনের পুকুরের সাইট পরিদর্শন পূর্বক প্রয়োজনীয় ব্যবস্থা গ্রহণের সিদ্ধান্ত গৃহীত হয়।	দপ্তর প্রধানগণ (সকল) উপসহকারী প্রকৌশলী, বিএডিসি।
০৩। উপজেলা নির্বাহী অফিসার জানান যে, সংগ্রামখেলি সরকারী প্রাথমিক বিদ্যালয় পরিদর্শনকালে দেখা যায় ছাত্র-ছাত্রীদের উপস্থিতি কম। স্কুলে ছাত্র-ছাত্রীদের উপস্থিতি বাড়ানোর প্রয়োজনীয় ব্যবস্থা গ্রহণের জন্য উপজেলা শিক্ষা কর্মকর্তাকে পরামর্শ প্রদান করেন। তিনি আরও জানান যে, বীর মুক্তিযোদ্ধা জনাব মোঃ লুৎফর রহমান পরিচিতি নং-০১৬১০০০৪৭৩৩, বীর মুক্তিযোদ্ধা জনাব মোঃ আব্দুর রাজ্জাক পরিচিতি নং-০১৬১০০০৩২১৫, বীর মুক্তিযোদ্ধা জনাব মোঃ এম ওসমান গনি গেজেট নং-২৬৬৮। উক্ত বীর মুক্তিযোদ্ধাগণের নামে রাস্তার নামকরণের জন্য আবেদনপত্র দাখিল করেন। আবেদন পত্র সভায় উত্থাপন করেন।	সকল স্কুলে ছাত্র-ছাত্রীদের উপস্থিতি বাড়ানোর প্রয়োজনীয় ব্যবস্থা গ্রহণের সিদ্ধান্ত গৃহীত হয়। গাংগাইল ফিশারীর মোড় হতে মিয়া হোসেন বাজার রাস্তা ভায়া সুন্দাইল শাহজাহান বাজার (রাস্তার আইডি নং-৩৬১৭২৩০১৭) রাস্তাটি বীর মুক্তিযোদ্ধা মোঃ লুৎফর রহমান নামে রাস্তার নামকরণ। নান্দাইল উপজেলার আঠারবাড়ী কবিরপুর আরএন্ডএই রাস্তা হতে শিয়ালধরা বাজার রাস্তা ভায়া উত্তর বানাইল বীর মুক্তিযোদ্ধা মোঃ আব্দুর রাজ্জাক এর বাড়ীর (আইডিনং-৩৬১৭২৫২৫৬) রাস্তাটি বীর মুক্তিযোদ্ধা মোঃ আব্দুর রাজ্জাক নামে রাস্তার নামকরণ এবং গাংগাইল বাজার মেইন রাস্তা হতে সুরাশ্রম ভায়া পাইকুড়া বাজার পর্যন্ত রাস্তাটি বীর মুক্তিযোদ্ধা এম ওসমান গনি নামে রাস্তার নামকরণের প্রয়োজনীয় ব্যবস্থা গ্রহণের সিদ্ধান্ত গৃহীত হয়।	উপজেলা শিক্ষা কর্মকর্তা, নান্দাইল। উপজেলা নির্বাহী অফিসার, নান্দাইল।
০৪। উপজেলা স্বাস্থ্য ও পঃ পঃ কর্মকর্তা জানান, ইউনিয়ন পর্যায়ে ৫টি স্বাস্থ্য কেন্দ্র পূর্ণাঙ্গ স্বাস্থ্য সেবা চালু করার বিষয়ে আলোচনা করেন এবং জনবল সংকট রয়েছে। ডেঙ্গু সেবা চলমান আছে। এ পর্যন্ত ১৫৬ জন হাসপাতালে ভর্তি হয়ে সেবা নিয়ে সুস্থ হয়েছে। স্বাস্থ্য কমপ্লেক্সে সকল প্রকার স্বাস্থ্য সেবা চালু আছে হট লাইন ১৬২৬৩, ৯৯৯, ০১৭৩০, ৩২৪৫২৮ এ যোগাযোগের	জনবল নিয়োগের বিষয়ে উর্ধ্বতন কর্তৃপক্ষে বরাবর পত্র প্রেরণের সিদ্ধান্ত গৃহীত হয়। স্বাস্থ্য কমপ্লেক্সে সকল প্রকার স্বাস্থ্য সেবা চালু রয়েছে। প্রয়োজনে হট লাইন	উপজেলা স্বাস্থ্য ও পঃ পঃ কর্মকর্তা, নান্দাইল। সংশ্লিষ্ট সদস্যগণ

হুমায়ুন

(A)

প্রস্তাব করেন।	১৬২৬৩.৯৯৯.০১৭৩০.৩২৪৫২৮ এ যোগাযোগ করার সিদ্ধান্ত গৃহীত হয়।	
০৫। উপজেলা কৃষি বিভাগ : উপজেলা কৃষি কর্মকর্তা সভায় জানান যে, অত্র উপজেলায় খরিপ-২/২০২৩-২৪ মৌসুমে ২২৪১০ হেক্টর জমিতে রোপা আমন আবাদ লক্ষ্যমাত্রা নির্ধারণ করা হয় এবং আবাদ অর্জন হয় ২২৪১০ হেক্টর। এবছর ১৯৮০০ হেঃ রোপা আমন জমিতে পাচিং করা হয় এবং ১৮৭৫ হেক্টর জমি লগুপদ্ধতিতে রোপন করা হয়। মাঠে দভায়মান রোপা আমন ফসলের বর্তমান স্তর সর্বোচ্চ কৃষি ৫২%, পিআই ৩৮% থোর ৯% এবং ফুল ১%। স্বল্প মেয়াদি ধান নির্ধারিত সময়ে কেটে তেল ফসল উৎপাদন বৃদ্ধির লক্ষ্যে এ বছরও সরিষা আবাদের পরিকল্পনা গ্রহণ করা হয়েছে। আশা করা যাচ্ছে আবহাওয়া অনুকূলে থাকলে নির্ধারিত সময়ে ফসল কর্তন ও বাম্পার ফলন হবে। অদ্য পর্যন্ত ১৯০ মেঃটন ইউরিয়া সার, টিএসপি ৫৯.৫০ মেঃটন, ডিএপি ৮৭ মেঃ টন এবং এমওপি ৭৩ মেঃটন সার মজুদ রয়েছে। চলতি মৌসুমে কোন প্রকার রাসায়নিক সারের সংকট যেন না হয় সে জন্য মনিটরিং কার্যক্রম জোরদার করা হয়েছে। পাশাপাশি ইউরিয়া ও নন-ইউরিয়া সারের আগমনী বার্তা সঠিক সময়ে উপজেলা কৃষি অফিসারের কার্যালয়ে জমা প্রদানের নির্দেশনা প্রদান করা হয়। ২০২৩-২০২৪ অর্থ বছরে মাসকলাই আবাদ উৎপাদন বৃদ্ধি ও গ্রীষ্মকালীন পেঁয়াজ উৎপাদন বৃদ্ধির নিমিত্তে প্রণোদনা পাওয়া গিয়েছে। এ বছর মাসকলাই আবাদের জন্য ১৫০ জন এবং গ্রীষ্মকালীন পেঁয়াজ আবাদের জন্য ২০ জন কৃষকে অত্র উপজেলায় প্রণোদনা প্রদান করা হবে। ২০২৩-২০২৪ অর্থ বছরে রবি ২০২৩-২০২৪ মৌসুমে অত্র উপজেলায় ৩৯৪৫ জন কৃষকের মাঝে রবি প্রণোদনা পাওয়া গিয়েছে যার মধ্যে গম ৭০০ জন, ভুট্টা ৭০০ জন, সরিষা ২৫০০ জন, সূর্যমুখি ১৫ জন, চিনা বাদাম ১০ জন, পেঁয়াজ ১০ জন এবং মুগ ডাল আবাদের জন্য ১০ জন কৃষকের মাঝে প্রণোদনা বীজ ও রাসায়নিক সার বিতরণ করা হবে। ইতোমধ্যে উপজেলা কৃষি পুনর্বাসন বাস্তবায়ন কমিটির মিটিং সম্পন্ন হয়েছে এবং প্রতিটি ফসলের ইউনিয়ন ভিত্তিক বিভাজন সম্পন্ন করে উপসহকারী কৃষি কর্মকর্তাগণকে তালিকা প্রস্তুতের নির্দেশনা প্রদান করা হয়েছে। উপকরণ প্রাপ্তি স্বাপেক্ষে উপজেলা পরিষদ হতে প্রণোদনা বিতরণ করা হবে।	মাঠে উপসহকারী কৃষি কর্মকর্তাগণ সর্বদা উপস্থিত থেকে কৃষকদের পরামর্শ প্রদান কার্যক্রম অব্যাহত রাখার সিদ্ধান্ত গৃহীত হয়। কোন ধরনের রাসায়নিক সারের সংকট যেন না হয় এবং দোকান মনিটরিং ব্যবস্থা জোরদার করার জন্য সিদ্ধান্ত গৃহীত হয়। প্রকৃত কৃষকদের প্রণোদনা তালিকায় অন্তর্ভুক্ত করে সুষ্ঠুভাবে কৃষি প্রণোদনা বিতরণের সিদ্ধান্ত গৃহীত হয়।	উপজেলা কৃষি কর্মকর্তা, নান্দাইল। উপজেলা কৃষি কর্মকর্তা, নান্দাইল।
০৬। উপজেলা মৎস্য বিভাগ : সিনিয়র উপজেলা মৎস্য কর্মকর্তা জানান আগামী ১২ অক্টোবর/২৩ থেকে ২ নভেম্বর/২০২৩ পর্যন্ত মোট ২২ দিন সারাদেশে ইলিশ আহরন, পরিবহন, ক্রয়-বিক্রয়, বাজারজাতকরন, মজুদ, বিনিময় সম্পূর্ণ নিষেধ প্রজ্ঞাননক্ষম/ মা ইলিশ রক্ষার জন্য। গত ১২ সেপ্টেম্বর একটি খুচরা মৎস্য খাদ্য বিক্রেতাকে মৎস্য খাদ্য দোকান নিবন্ধন না করে দোকান পরিচালনার জন্য ৫০০/- জরিমানা করা হয় এবং প্রয়োজনীয় পরামর্শ প্রদান করা হয়। মৎস্য সংরক্ষণ আইন ১৯৫০ এর আওতায় কারেন্ট জাল প্রতিরোধ এর জন্য একটি মোবাইল কোর্ট পরিচালনা করা হয়। মোবাইল কোর্ট পরিচালনা করেন সহকারী কমিশনার (ভূমি) মহোদয়। এছাড়া অন্যান্য কার্যক্রম স্বাভাবিক রয়েছে।	আগামী ১২ অক্টোবর/২৩ থেকে ২ নভেম্বর/২০২৩ পর্যন্ত মোট ২২ দিন সারাদেশে ইলিশ আহরন, পরিবহন, ক্রয়-বিক্রয়, বাজারজাতকরন, মজুদ, বিনিময় সম্পূর্ণ নিষেধ।	সিনিয়র উপজেলা মৎস্য কর্মকর্তা, নান্দাইল।
০৭। উপজেলা প্রাণিসম্পদ বিভাগ : উপজেলা প্রাণিসম্পদ কর্মকর্তা জানান যে, ১৩টি ইউনিয়ন এবং ১টি পৌরসভায় পিপিআর রোগ নির্মূলের জন্য ছাগল এবং ভেড়ার মধ্যে বিনামূল্যে টিকা প্রয়োগ করা হবে আগামী ৩০/০৯/২০২৩ হতে ০৯/১০/২০২৩ তারিখ পর্যন্ত।	পিপিআর রোগ নির্মূলের জন্য ছাগল এবং ভেড়ার মধ্যে বিনামূল্যে টিকা প্রয়োগ কার্যক্রম সফল বাস্তবায়নের সিদ্ধান্ত গৃহীত হয়।	উপজেলা প্রাণিসম্পদ কর্মকর্তা, নান্দাইল।
০৮। উপজেলা প্রকৌশল বিভাগ : উপজেলা প্রকৌশলী জানান যে, ২০২৩-২০২৪ অর্থ বছরের বার্ষিক উন্নয়ন কর্মসূচির (এডিপি) আওতায় প্রকল্প গ্রহণ এবং বাস্তবায়নের জন্য টেন্ডার কার্যক্রম চলমান রয়েছে। এবিষয়ে বিস্তারিত আলোচনা করা হয়। তিনি আরও জানান যে, উপজেলা পরিষদ কেন্দ্রীয় পানির পাম্প মেশিনটি প্রায় সমসয়েই নষ্ট হয়ে পানি সরবরাহ বন্ধ হয়ে যায়। পানি না থাকায় আবাসিক ভবনে বসবাসকারিসহ অফিসের জনবল সমস্যায় পড়ে যায়। বর্তমানে পাম্পটি যে স্থানে আছে সেই স্থানে অনেক বেশি আয়রন থাকায় পাম্পের সমস্যা সৃষ্টি হচ্ছে। এ সমস্যা সমাধানের	নীতিমালা মোতাবেক ২০২৩-২০২৪ অর্থ বছরের বার্ষিক উন্নয়ন কর্মসূচি এডিপির (এডিপি) আওতায় প্রকল্প গ্রহণ এবং টেন্ডার কার্যক্রম বাস্তবায়ন নির্দিষ্ট সময়ে সুষ্ঠুভাবে বাস্তবায়নের সিদ্ধান্ত গৃহীত হয়।	উপজেলা প্রকৌশলী, নান্দাইল।

Handwritten signature

Handwritten mark

জন্য একটি নতুন বরিং করা প্রয়োজন এবং বিকল্প একটি নতুন পাম্পমেশিন ক্রয় করার প্রয়োজনীয় ব্যবস্থা গ্রহণের প্রস্তাব উত্থাপন করেন।		
০৯। উপজেলা প্রকল্প বাস্তবায়ন কর্মকর্তা জানান, ২০২৩-২০২৪ অর্থ বছরে ১ম পর্যায়ের কাবিটা/কাবিখা ও টিআর প্রকল্পের বরাদ্দ অনুযায়ী উপজেলা পরিষদের অনুকূলে কাবিটা ৯৬২৯২৮৬৩ টাকায় ২৬টি প্রকল্প, কাবিখা ৪৬.৪৫৬১ মেগটন (চাল) ১৪টি প্রকল্প, টি আর ৭৩৭৫১৬২.৮৭ টাকায় ৮৫টি প্রকল্প গ্রহণ করা হয়েছে। প্রকল্প তালিকা অনুমোদনের জন্য জেলা প্রশাসক মহোদয় বরাবর প্রেরণ করা হবে। অতি দরদ্রের জন্য কর্মসংস্থান কর্মসূচীর ১ম পর্যায়ের কাজ অক্টোবর/নভেম্বরে শুরু হবে এজন্য এই সপ্তাহের মধ্যে প্রকল্প গ্রহণ করতে হবে। ২০২৩ সালের দুর্গাপূজা উপলক্ষ্যে পৌরসভাসহ ৩২টি পূজা মন্ডপের তালিকা পাওয়া গেছে। ২০২৩-২০২৪ অর্থ বছরে ১.০০ কিগ্রমিঃ এইচবিবি প্রকল্পের বরাদ্দ পাওয়া গিয়েছিল। উক্ত প্রকল্পের টেন্ডার বিজ্ঞপ্তি ঘোষণা হয়েছে। টেন্ডার এর সিডিউল বিক্রয় শেষ তারিখ ২২/১০/২০২৩ বিকাল ৪.০০ টা পর্যন্ত সিডিউল ড্রপিং ২৩/১০/২০২৩ দুপুর ২.০০ টা পর্যন্ত।	২০২৩-২০২৪ অর্থ বছরের ১ম পর্যায়ের কাবিটা/কাবিখা ও টিআর প্রকল্পের বরাদ্দ অনুযায়ী প্রাপ্ত প্রকল্প তালিকা অনুমোদনের লক্ষ্যে জেলা প্রশাসক মহোদয় বরাবর প্রেরণের সিদ্ধান্ত গৃহীত হয়। অতি দরদ্রের জন্য কর্মসংস্থান কর্মসূচীর কাজ দ্রুত শুরু করার লক্ষ্যে এই সপ্তাহের মধ্যে প্রকল্প গ্রহণের প্রয়োজনীয় ব্যবস্থা গ্রহণের সিদ্ধান্ত গৃহীত হয়। উপজেলা প্রকল্প বাস্তবায়ন কর্মকর্তার কার্যালয়ের আওতায় বরাদ্দকৃত খাদ্যসশ্য নীতিমালা মোতাবেক ৩২টি পূজা মন্ডপে বিতরণের সিদ্ধান্ত গৃহীত হয়। ২০২৩-২০২৪ অর্থ বছরের এইচবিবি প্রকল্পের কাজ সুষ্ঠুভাবে বাস্তবায়নের সিদ্ধান্ত গৃহীত হয়।	উপজেলা প্রকল্প বাস্তবায়ন কর্মকর্তা, নান্দাইল।
১০। উপজেলা শিক্ষা কর্মকর্তা সভায় জানান, কিছু স্কুলের জমি সংক্রান্ত জটিলতার কারণে স্কুলের বাউন্ডারী ওয়াল নির্মাণ করা যাচ্ছেনা ফলে কাজ স্থগিত রয়েছে এর মধ্যে রয়েছে নান্দাইল প্রাথমিক বিদ্যালয় এবং শেরপুর উত্তর সরকারী প্রাথমিক বিদ্যালয়। তিনি আরও জানান যে, যে সকল স্কুলের ভূমির দলিল প্রাথমিক ও গণশিক্ষা মন্ত্রণালয়ের সচিব মহোদয়ের নামে রেকর্ড নেই সে সকল ভূমির দলিল সচিব মহোদয়ের নামে রেকর্ড করার জন্য নির্দেশনা এসেছে এবিষয়ে উপজেলা নির্বাহী অফিসার মহোদয়ের সহযোগিতা কামনা করেন। উপজেলা নির্বাহী অফিসার জানান যে, যেসকল প্রাথমিক বিদ্যালয়ের জমি বেদখল রয়েছে বা জমির সমস্যা রয়েছে সে সকল স্কুলের জমির দলিল দেখা এবং সঠিকতা যাচাই করা প্রয়োজন।	যেসকল প্রাথমিক বিদ্যালয়ের জমি বেদখল রয়েছে বা জমির সমস্যা রয়েছে জমির সঠিকতা যাচাইয়ের জন্য উপজেলা নির্বাহী অফিসারের সাথে উপজেলা শিক্ষা কর্মকর্তা দলিলসহ আলোচনা করবেন মর্মে সিদ্ধান্ত গৃহীত হয়।	উপজেলা শিক্ষা কর্মকর্তা, নান্দাইল।
১১। উপজেলা মাধ্যমিক শিক্ষা কর্মকর্তা সভায় জানান, নান্দাইল উপজেলার মাধ্যমিক বিদ্যালয় দাখিল মাদ্রাসা ও ইবতেদায়ী মাদ্রাসার শিক্ষার্থীদের মধ্যে বিনামূল্যের পাঠ্যপুস্তক বিতরণের জন্য প্রাপ্ত পাঠ্যপুস্তক বিতরণের জন্য প্রাপ্ত পাঠ্যপুস্তক সংরক্ষণের জন্য কোন গোডাউন না থাকায় বিগত বছর নান্দাইল সরকারী টেকনিক্যাল স্কুল ও কলেজে সংরক্ষণ করা হয়েছিল কিন্তু উক্ত প্রতিষ্ঠানের কক্ষদুটি তাদের প্রয়োজনের জন্য এ বছর পাঠ্যপুস্তক রাখা সম্ভব হচ্ছে না বিধায় ২০২৪ সনের পাঠ্যপুস্তক সংরক্ষণের প্রয়োজনীয় ব্যবস্থা গ্রহণের জন্য অনুরোধ করেন। সভাপতি জানান যে, উপজেলা পরিচালন ও উন্নয়ন প্রকল্পের আওতায় (জাইকা) নান্দাইল পাইলট বালিকা উচ্চ বিদ্যালয়ে দুই কক্ষ বিশিষ্ট একটি দ্বিতীয় তলা ভবন নির্মাণ করা হয়। উক্ত ভবনের রুমে মাধ্যমিক বিদ্যালয়ের পাঠ্যপুস্তক রাখার কথাছিল এ বিষয়ে উপজেলা মাধ্যমিক শিক্ষা কর্মকর্তাকে প্রয়োজনীয় ব্যবস্থা গ্রহণের পরামর্শ প্রদান করেন।	অত্র উপজেলায় শেখ রাসেল ডিজিটাল ল্যাবের তথ্যাদি (কোন কোন স্কুলে স্থাপন হয়েছে এবং কোন কোন স্কুল বাকি রয়েছে) জরুরি ভিত্তিতে উপজেলা নির্বাহী অফিসারের নিকট প্রেরণের সিদ্ধান্ত গৃহীত হয়।	উপজেলা মাধ্যমিক কর্মকর্তা/সহকারী প্রোগ্রামার, নান্দাইল।
১২। উপজেলা সমাজসেবা কর্মকর্তা জানান, স্মারক নম্বর: ৪১.০১.০০০০.০০০.২৭.০০৪.২২.৬৪০; তারিখ: ১০/৮/২০২৩ মূলে ২০২৩-২০২৪ অর্থবছরে বর্ধিত কোটায় বয়স্ক, বিধবা এবং প্রতিবন্ধী ভাতার অর্থ জিউপি পদ্ধতিতে পরিশোধের নিমিত্ত অনলাইনে আবেদন গ্রহণ, উপকারভোগী নির্বাচন এবং ভাতা প্রদানের প্রয়োজনীয় ব্যবস্থা গ্রহণের জন্য নির্দেশনা প্রদান করেছেন যে নির্দেশনাটি ইতোমধ্যে সংশ্লিষ্ট সকল ইউপি কমিটির নিকট প্রেরণ করা হয়েছে। বর্ণিত পত্রের নির্দেশনা অনুযায়ী ১০/৮/২০২৩ হতে ১০/৯/২০২৩ তারিখ পর্যন্ত mis.bhata.gov.bd/online application লিংকে ভাতার আবেদনের সময়সীমা অতিক্রম হয়েছে। নির্দেশনা মোতাবেক	১০/৮/২০২৩ হতে আগামী ১০/৯/২০২৩ তারিখ পর্যন্ত mis.bhata.gov.bd/online application লিংকে ভাতার আবেদনগুলি পরিপত্র মোতাবেক প্রয়োজনীয় ব্যবস্থা গ্রহণের সিদ্ধান্ত গৃহীত হয়।	সংশ্লিষ্ট কমিটি

স্বাক্ষর

AR

আবেদনের সাথে প্রদানকৃত/উল্লেখিত মোবাইল নম্বরটি হিসাব নম্বর হিসেবে বিবেচিত হবে যা অপরিবর্তনীয়। মোবাইল নাম্বারটি সংশ্লিষ্ট আবেদনকারীর নামে রেজিস্ট্রেশনকৃত হতে হবে এবং সাবধানে এন্ট্রি দিতে হবে। এ সংশ্লিষ্ট কোন ভুল হলে আবেদনকারী ব্যক্তিগতভাবে দায়ী থাকবে। এ বিষয়ে বিস্তারিত আলোচনা-পর্যালোচনা করা হয়।		
১৩। উপজেলা যুব উন্নয়ন কর্মকর্তা খেলাপি ঋণ আদায়ের বিষয়ে আলোচনা করেন। ২০২৩-২০২৪ অর্থ বছরে ১৪টি ব্যাচের মধ্যে ১টি ব্যাচ আচারগাঁও ইউনিয়নে প্রশিক্ষণ সম্পন্ন হয়েছে। যুব উন্নয়ন বিভাগের আওতায় নত্রকোনা জেলায় গাড়ি ড্রাইভিং প্রশিক্ষণ প্রদান করা হচ্ছে। উক্ত প্রশিক্ষণে অংশগ্রহণের জন্য কোন অগ্রহী প্রার্থী থাকলে অত্র অফিসে যোগাযোগ করার জন্য প্রস্তাব উত্থাপন করেন।	খেলাপি ঋণ আদায়ের জন্য পত্র প্রেরণের সিদ্ধান্ত গৃহীত হয়। গাড়ি ড্রাইভিং প্রশিক্ষণে অংশগ্রহণের জন্য অগ্রহী প্রার্থীদের আবেদন গ্রহণের সিদ্ধান্ত গৃহীত হয়।	উপজেলা যুব উন্নয়ন কর্মকর্তা, নান্দাইল।
১৪। উপজেলা পল্লী উন্নয়ন কর্মকর্তা (বিআরডিবি) জানান, সেচযন্ত্র/মেয়াদী (ডিটিডব্লিউ ও এসটিডব্লিউ) ও অন্যান্য ঋণ (ফসলী/শস্য, আবর্তক কৃষি, সদাবিক, বীরমুক্তিযোদ্ধা, পল্লী প্রগতি ও পল্লী উদ্যোক্তা) আদায়ের নিয়মিত কাজ মৌখিক ও লিখিত তাগিদ) চলমান রয়েছে। খেলাপি/বকেয়া ঋণ আদায়ে ইতোপূর্বে ১৬টি সার্টিফিকেট মামলা করা হয়েছিল যার ৪টি নিষ্পত্তি হয়েছে এবং ১২টি অনিষ্পন্ন অবস্থায় রয়েছে এবং প্রক্রিয়া চলমান রয়েছে। বকেয়া ঋণ সন্তোষজনকভাবে আদায় না হওয়ায় (মোট আদায় ০.৩৯ লক্ষ টাকা) ও নতুন তহবিল বরাদ্দ না থাকায় ঋণ বিতরণ নেই। শেয়ার, সঞ্চয় ও অন্যান্য আদায় এবং সাধারণ সভা/উঠান বৈঠক করার মাধ্যমে ১০টি অচল/অকার্যকর সমিতি/দল সচল/কার্যকর করা হয়েছে। কেন্দ্রীয় সমিতি ও প্রাথমিক সমিতিসমূহের ২০২২-২০২৩ সনের অডিট সম্পন্ন হয়নি। প্রাথমিক সমিতির অডিট সম্পন্ন করার জন্য অডিট বরাদ্দ ও নোটিশ/তাগিদ প্রদান করা হয়েছে। বিআরডিবি'র আওতাধীন নান্দাইল উপজেলা কেন্দ্রীয় সমবায় সমিতি লিমিটেড (ইউসিসিএলিঃ) এর অন্তর্বর্তীকালীন কমিটির কার্যক্রম চলমান রয়েছে। কমিটির মেয়াদ আগামী ২০ ডিসেম্বর ২০২৩ শেষ হবে। নির্ধারিত সময়ের মধ্যে নিয়মিত ব্যবস্থাপনা কমিটি গঠনের লক্ষ্যে বিধি মোতাবেক কার্যক্রম অব্যাহত রয়েছে। উপজেলা পরিষদ চতুরে নির্মিত বিআরডিবি মালিকানাধীন জোড়া বাড়ীর বর্তমান বাসা ভাড়া নিয়মিত আদায় হচ্ছে এবং বকেয়া বাসা ভাড়া আদায়ে তাগিদ অব্যাহত থাকায় বকেয়ার আংশিক আদায় হয়েছে।	খেলাপি/বকেয়া ঋণ আদায় কার্যক্রম অব্যাহত রাখার সিদ্ধান্ত গৃহীত হয়। শেয়ার, সঞ্চয় ও অন্যান্য আদায় এবং সাধারণ সভা/উঠান বৈঠক কার্যক্রম অব্যাহত রাখার সিদ্ধান্ত গৃহীত হয়। কেন্দ্রীয় সমিতি ও প্রাথমিক সমিতিসমূহের ২০২২-২০২৩ সনের অডিট কার্যক্রমের প্রয়োজনীয় ব্যবস্থা গ্রহণের সিদ্ধান্ত গৃহীত হয়। বিধি মোতাবেক নির্ধারিত সময়ের মধ্যে নিয়মিত ব্যবস্থাপনা কমিটি গঠনের প্রয়োজনীয় ব্যবস্থা গ্রহণের সিদ্ধান্ত গৃহীত হয়। নীতিমালা মোতাবেক জোড়া বাড়ী ভবনের ভাড়া আদায়ের সিদ্ধান্ত গৃহীত হয়।	উপজেলা পল্লী উন্নয়ন কর্মকর্তা, নান্দাইল।
১৫। উপজেলা মহিলা বিষয়ক কর্মকর্তা নারী ও শিশু নির্যাতন প্রতিরোধ ও বাল্য বিবাহ প্রতিরোধ কমিটির ইউনিয়ন কমিটির সভার রেজুলেশন ইউনিয়ন থেকে প্রতি মাসের ২০ তারিখের মধ্যে উপজেলা কমিটিতে প্রেরণের জন্য বলা হয়। ভিডার্লিউবি ভাতাভোগীদের তালিকা প্রতি মাসের ১৫ তারিখের মধ্যে প্রেরণের জন্য অনুরোধ করা হয়। কিশোর কিশোরী ক্লাবের কার্যক্রম চলমান আছে। শেলাই প্রশিক্ষণের জন্য প্রশিক্ষণার্থী নির্বাচন করা হবে এবং প্রশিক্ষণ কার্যক্রম চলমান আছে।	সকল ইউপি চেয়ারম্যানগণকে নারী ও শিশু নির্যাতন প্রতিরোধ ও বাল্য বিবাহ প্রতিরোধ ইউনিয়ন কমিটির সভার সম্পন্ন করে সভার কার্যবিবরণী প্রতি মাসের ২০ তারিখের মধ্যে উপজেলা কমিটিতে প্রেরণের সিদ্ধান্ত গৃহীত হয়। ক্লাবগুলো একটিভ না ক্লাবগুলি একটিভ করার জন্য এবং কোন ক্লাবে কয়টি সভা করা হয়েছে এ বিষয়ে তথ্য দেয়ার সিদ্ধান্ত গৃহীত হয়।	চেয়ারম্যান ইউনিয়ন পরিষদ (সকল)। উপজেলা মহিলা বিষয়ক কর্মকর্তা, নান্দাইল।
১৬। উপজেলা পঃ পঃ কর্মকর্তা জানান যে, গত সেপ্টেম্বর/২৩ মাসে জাহাঙ্গীরপুর ইউনিয়ন স্বাস্থ্য ও পরিবার কল্যাণ কেন্দ্র পরিদর্শন করি, কেন্দ্রটি এক তলা ভবন। কেন্দ্রের প্রধান গেইট দিয়ে মানুষ আসা যাওয়া করতে পারেনা। গেটের নিচে পানি জমে থাকায় চলাচলে সমস্যা হচ্ছে। উক্ত স্থানে মাটি ভরাট করা হলে সমস্যাটি সমাধান হবে। এ বিষয়ে সংশ্লিষ্ট ইউনিয়ন পরিষদ চেয়ারম্যানের সহযোগিতা কামনা করেন।	কোন কোন ইউনিয়ন স্বাস্থ্য ও পরিবার কল্যাণ কেন্দ্রে যন্ত্রপাতি ও জনবলের অভাব রয়েছে তার তালিকা আগামী সভায় উত্থাপনের সিদ্ধান্ত গৃহীত হয়।	উপজেলা পঃ পঃ কর্মকর্তা, নান্দাইল।

Handwritten signature

Handwritten mark

১৭। সহকারী প্রোগ্রামার জানান যে, তথ্য ও যোগাযোগ প্রযুক্তি অধিদপ্তর কর্তৃক বাস্তবায়িত ডিজিটাল সংযোগ স্থাপন প্রকল্পের আওতায় নান্দাইল উপজেলা প্রশাসনিক ভবনের পঞ্চম তলায় উর্ধ্বমুখী সম্প্রসারণের মাধ্যমে জয় সেট সেন্টার স্থাপনা করা হবে। এজন্য উপজেলা প্রকৌশলীর কার্যালয়ে ই-জিপিআর মাধ্যমে টেন্ডার ও মূল্যায়ন কমিটির কার্যক্রম সম্পন্ন হয়েছে। মন্ত্রণালয় থেকে ডিজিটাল সংযোগ স্থাপন প্রকল্পের আওতায় নান্দাইল উপজেলায় একটি স্মার্ট ভিলেজ স্থাপন এবং ফিল্মিং প্রশিক্ষণের বাজেট আনয়নের জন্য মাননীয় জাতীয় সংসদ সদস্য মহোদয়কে অনুরোধ করেন। নান্দাইল উপজেলায় স্থাপিত ৩৯টি শেখ রাসেল ডিজিটাল ল্যাবসমূহ সঠিকভাবে পরিচালনা, ব্যবহার ও রক্ষণাবেক্ষণের জন্য শেখ রাসেল ডিজিটাল ল্যাবপ্রাপ্ত শিক্ষা প্রতিষ্ঠানের শিক্ষকগণকে “আইসিটি ইন এডুকেশন লিটারেসি, ট্রাবলশুটিং ও মেইনটেনেন্স” বিষয়ক ১০ দিন ব্যাপি প্রশিক্ষণ নান্দাইল পাইলট বালিকা উচ্চ বিদ্যালয়ের ল্যাবে ৬ষ্ঠ ব্যাচে ২০ জন শিক্ষকের প্রশিক্ষণ চলমান। নতুন আরো ৩৬টি শেখ রাসেল ডিজিটাল ল্যাব প্রদানের জন্য প্রাথমিকভাবে তদন্ত চলমান রয়েছে। আগামী ১৮ অক্টোবর/২৩ শেখ রাসেল দিবস উপলক্ষে উপজেলা প্রশাসন, তথ্য ও যোগাযোগ প্রযুক্তি অধিদপ্তর, নান্দাইল, ময়মনসিংহ এর পক্ষ থেকে সম্মানিত সকল কর্মকর্তাদের দাওয়াত প্রদান করা হয়। নিয়মিতভাবে স্ব স্ব ওয়েব পোর্টাল ও ডি-নথি সিস্টেম চালু রাখার বিষয়ে স্ব স্ব জয় সেট সেন্টার মাননীয় প্রধান মন্ত্রী সারা দেশে একযোগে উদ্বোধন করবেন। উপজেলা নির্বাহী অফিসার জানান যে, ওয়েব সাইটে তথ্য আপলোড করে প্রতিটি দপ্তরের তথ্য আপডেট করার পরামর্শ প্রদান করেন।	ওয়েব সাইটে তথ্য আপলোড করে প্রতিটি দপ্তরের তথ্য আপডেট করার জন্য সিদ্ধান্ত গৃহীত হয়।	দপ্তর প্রধান (সকল)।
১৮। উপ-সহকারী প্রকৌশলী (বিএডিসি) জানান যে, বিভাগীয় কার্যক্রম স্বাভাবিক রয়েছে।	নীতিমালা মোতাবেক দাপ্তরিক কার্যক্রম পরিচালনার সিদ্ধান্ত গৃহীত হয়।	উপ-সহকারী প্রকৌশলী (বিএডিসি) নান্দাইল।
১৯। চেয়ারম্যান সিংরইল ইউনিয়ন পরিষদ জানান যে, সিংরইল ইউনিয়নে একটি পরিত্যক্ত ভবন রয়েছে এবং ভবনসহ সর্বমোট ভূমি ১৮ শতক জমি রয়েছে। নতুন ভবন নির্মাণ করার প্রয়োজনে ২৫ শতক ভূমি ক্রয় করা হয়েছে। ইউনিয়ন পরিষদ সভায় উক্ত ভূমিতে নতুন ইউনিয়ন পরিষদ কমপ্লেক্স ভবন নির্মাণের সর্বসম্মতিক্রমে সিদ্ধান্ত গৃহীত হয়। সভার কার্যবিবরণী উত্থাপন করেন এবং সিদ্ধান্ত কামনা করেন।	নতুন ভবন নির্মাণের প্রয়োজনীয় কাগজপত্র দাখিল করার সিদ্ধান্ত গৃহীত হয়।	চেয়ারম্যান সিংরইল ইউনিয়ন পরিষদ।

অতঃপর সভায় আর কোন আলোচনা না থাকায় সভাপতি ও চেয়ারম্যান উপজেলা পরিষদ, নান্দাইল, ময়মনসিংহ কর্তৃক উপস্থিত সম্মানিত সদস্যগণকে ধন্যবাদ জ্ঞাপন করে সভার সমাপ্তি ঘোষণা করা হয়।

হাসান মাহমুদ জুয়েল
২৫/৯/২৩

(হাসান মাহমুদ জুয়েল)

সভাপতি

উপজেলা পরিষদ মাসিক সাধারণ সভা

ও

চেয়ারম্যান

উপজেলা পরিষদ

নান্দাইল, ময়মনসিংহ।

স্মারকনং- ৪৬.৪৫.৬১৭২.০০০.০৬.০০১.২৩-১০৫

তারিখ :- ২৫/০৯/২০২৩ খ্রিঃ।

অনুলিপি সদয় জ্ঞাতার্থে/কার্যার্থে :-

- ১। মাননীয় সংসদ সদস্য, ১৫৪- ময়মনসিংহ- ৯, নান্দাইল।
- ২। বিভাগীয় কমিশনার, ময়মনসিংহ বিভাগ, ময়মনসিংহ।
- ৩। জেলা প্রশাসক, ময়মনসিংহ।
- ৪। সিনিয়র সহকারী সচিব, স্থানীয় সরকার বিভাগ, উপজেলা শাখা-১/উপজেলা শাখা-২ বাংলাদেশ সচিবালয়, ঢাকা।
- ৫। মেয়র, নান্দাইল পৌরসভা, নান্দাইল, ময়মনসিংহ।
- ৬। জনাব মোঃ সারোয়ার হাসান, ভাইস চেয়ারম্যান উপজেলা পরিষদ, নান্দাইল, ময়মনসিংহ।
- ৭। জনাব মনোয়ারা জুয়েল, মহিলা ভাইস চেয়ারম্যান, উপজেলা পরিষদ, নান্দাইল, ময়মনসিংহ।
- ৮। উপজেলা ----- অফিসার, নান্দাইল, ময়মনসিংহ।
- ৯। চেয়ারম্যান ----- ইউনিয়ন পরিষদ, নান্দাইল, ময়মনসিংহ।
- ১০। অফিস কপি।



(অরুন কুমার পাল)

মুখ্য নির্বাহী কর্মকর্তা

উপজেলা পরিষদ

ও

উপজেলা নির্বাহী অফিসার

নান্দাইল, ময়মনসিংহ।